



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput II. Ad fidem internam necessarius est pius affectus voluntatis erga
prinam Veritatem, seu Dei revelantis autoritatem.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

Liber Secundus.

92
objectum ipsius sit non visum: ergo & de ratione fidei, quæ (secundum Apostolum) est fundamentum spei. Unde D. Petrus fidem vocat *lucernam lucentem in caliginoso loco*, id est in intellectu obscurè cognoscente. Similiter Ecclesia de Thoma Apostolo canit, quod alind videt, alind credit. SS. Patres communiter dicunt, quod fides est credere quod non vides. Augustinus Enchirid. 8. *Appellamus* (inquit) fidem, quam divina eloqua docerunt, earum scilicet rerum, quæ non videntur. Proinde Apostoli, Ecclesia, Patres, docent obscuritatem esse de ratione fidei.

5 Secundum consectorium est, quod objectum materiale fidei sit omnis veritas obscurè à Deo revelata; formale vero, authoritas Dei, seu primæ Veritatis revelantis. Cùm istud sit motivum, propter quod firmiter assentimur veritatibus obscurè revelatis. Cur enim credimus incarnationem Verbi v. g.? quia Deus id revelavit. Cur credimus Deo revelanti? propter eternam, incommutabilem, & infallibilem ipsius autoritatem, supra omnem rationem, & scientiam humana, supra omnem sensus experientiam, supra omnem denique humanam autoritatem. Idèo vero tanta autoritatis est Deus revelans, quia est prima Veritas, falli & fallere neficia. Cùm enim divina veritas sit etiam summa bonitas, nec vult, nec potest fallere. Cùmque eadem veritas sit etiam summa sapientia, falli non potest. Est ergo veritas falli & fallere neficia: cuius prouinde revelantis, sive aliquid attestantis authoritas est summa, infallibiliumque omnium infallibilissima.

6 Et hinc tertium consectorium est, quod fidei nostræ certitudo sit summa, majorque certitudine scientiarum omnium naturalium: utpote cuius fundamentum, sive motivum, objectumque formale (authoritas scilicet Dei revelantis) certius est, & infallibilius fundamento, sive motivo, & objecto formalí cujuscumque scientia naturalis, quod est vel humana ratio, vel experientia humana, &c.

7 Quartum denique consectorium, est præstantia magna fidei nostræ: tum quia certitudine excedit scientiam omnem naturalem. Tum quia objectum formale ipsius præstantius est objecto, non solum scientiarum omnium naturalium, sed & quarumcumque virtutum moralium, quarum nullam Deus habet pro immediato objecto formalí. Sed & præstantia magna ipsius eluet in eo quod fides nostra divinam autoritatem appretiet supra omnem rationem, scientiam, experientiam, & autoritatem humanam, eamque non solum taliter appretiet intellectu (quod hæretici etiam faciunt: utpote non ignorantes excellentiam divinæ autoritatis supra omnia ante dicta) sed affectu etiam & voluntate, ita ut in vero fidelis amor primæ Veritatis; & pius affectus erga authoritatem

Dei revelantis, prædominetur omni terreno affectui, faciatque sedulò inquirere ea, quæ suprema Dei authoritas per Ecclesiam (quæ columnæ est veritatis, depositrixque doctrinæ à Christo, & Apostolis nobis traditæ) nobis credenda proponit, eaque omnia sufficienter proposta credere. Quod non contingit in hæreticis, in quibus amor terrenorum, sive quo prosequuntur blandientia, siue quo fugiunt terrentia, adest prædominatur amori prima Veritatis, & pio illi affectui erga authoritatem Dei revelantis, ut eos impedit a sufficienti inquisitione veritatum, sive divina authoritas per Ecclesiam nobis credendas proposuit, & a credendi omnibus ejusmodi veritatibus sufficienter propositis.

C A P U T I I .

Ad fidem internam necessarii est pius affectus voluntatis erga primam Veritatem, seu Dei revelantis authoritatem.

Si Theologi communiter docent, sequi. 8
Turque ex eo quod fides (ut superiori capite dictum est) Deum, seu divinam autoritatem non solum intellectu, sed & voluntate, seu affectu appretiet supra motivum cujuscumque scientiae naturalis, sive supra omnem rationem, experientiam, & autoritatem humanam, juxta illud 2. Petri 1. *Habemus firmorem propheticum sermonem, cui beneficis attendentes.* Unde Augustinus lib. 7. confess. c. 10. *Facilius (inquit) dubitarem vivere me, quam esse veritatem, quam audiri in corde.* Et Chrysostomus hom. 12. in epist. ad Hebr. *Fides dici non potest, nisi cum circa ea qua non videntur, amplius quam circa ea qua videntur, certitudinem quis habuerit.* Enimvero tanta firmitate & certitudine adhæremus iis, quia fide divinâ credimus, ut parati simus persuadere nobis, quod scientia, ratio, experientia, & authoritas humana nos fallant, ipsisque omnibus dicere anathema, si opponantur iis quæ credimus, juxta illud Pauli ad Galat. 1. *Sed licet nos, aut Angelus de celo evangelizavimus vobis præterquam quod evangeliavimus vobis, anathema sit.*

Si vera fides non solum talis sit, sed & 9 talis esse debeat: igitur ad eam necessaria est pia voluntatis affectio, quæ voluntas autoritatem Dei revelantis taliter appretiet, quæque determinet intellectum ad hoc, ut, non obstante obscuritate rei revelatae, non obstantibus etiam difficultatibus, quas humana ratio, experientia, vel authoritas in contrarium suggerere potest, firmiter credit: Deo loquenti, intellectumque suum captivet in obsequium Christi. Quamdiu enim objectum obscurè proponitur, intellectus ad assentiendum non determinatur ab objecto, sed determinari debet a voluntate. Propter

C A P U T III.

Fides interna actualis adultis omnibus, in peccato existentibus, necessitate mediis in re, & non solum in voto, necessaria est ad justificationem.

A Ndræas Vega lib. 6. in Trid. c. 10. 13

censet, adultos in peccato mortali existentes, qui invincibili laborant ignorantiā mysteriorum fidei, posse justificari absque ullo actū fidei. Sed oppositum nobiscum tradunt communiter Theologi, signanter à nostris Lezana de fide disput. 3. q. 6. Lumbierius de fide q. 14. a. 2. n. 806. Bonæ Spei disp. 7. de fide dub. 1. resol. 1.

Sed ante probationem, observo, necessarium necessitate mediī (quod à S. Thoma vocatur necessarium necessitate finis) ab omnibus passim Theologis dici illud sine quo, etiam inculpabiliter omisso, non potest obtineri finis, ad quem est necessarium. Sic gratia sanctificans est medium necessarium ad salutem. Quia quisquis sine illa moritur, à salute excidit, tametsi nullā culpā suā personali eā privatus fuisset. Et in hoc necessarium necessitate mediī differt à necessario necessitate præcepti, quod à Theologis definiri solet illud sine quo, culpabiliter omisso, finis obtineri non potest, tametsi sine eo, inculpabiliter omisso, obtineri queat.

Necessarium necessitate mediī, aliud est 15 simpliciter tale, aliud secundūm quid. Simpliciter tale, est illud, quod taliter necessarium est in re, nec proinde admittit substitutum, per quod suppleri queat, ut gratia dicitur. Secundūm quid tale, est illud, quod necessitate mediī non est necessarium in re, sed in re, vel in voto, adeoque admittit substitutum, per quod suppleri queat, ut baptismus aquæ, qui siquando nequeat obtineri, suppleri potest per contritionem, cum voto baptiſti. Et idem est de Sacramento poenitentiae, respectu corum, qui post baptismum peccaverunt.

Fidem ergo internam actualem, adultis 16 omnibus, in statu peccati mortalis existentibus, necessitate mediī, in re, atque adeoque simpliciter necessariam esse ad justificationem, probatur 1º ex Scriptura Habacuc 2. *Qui incredulus est, non erit recta anima ejus in semetipso: justus autem in fide sua vivet, vitâ scilicet gratiæ, seu iustitia. Hunc locum ad statuendam necessitatem fidei, ad vivendum vitâ gratiæ, allegat Apostolus Roman. 1. Galat. 3. Hebr. 10. Sensus vero illius est: quicumque vult esse justus, seu vivere vitâ gratiæ, id habiturus est ex fide, & non ex operibus legis, ut Apostolus interpretatur, multisque probat loco citato ad Galat.*

2º Idipsum probatur ex Apostolo ad He- 17